

其先東家之子寄體於西西方之竟正爲少女少女代坤母  
行事女鼎中現出震男是女轉成男矣此男號九三郎君其  
年甚少實是木公道父投身子胎而生者故木公轉號公子  
是老變爲童矣這公子騎的白虎出遊西方甚是勇猛時有  
道人見而問之曰你這騎虎的童男可是木公所化的麼童  
男知道人心有正覺不敢隱瞞答曰是道人遂回頭笑曰水  
鄉鉛只一味崔公之言真也今欲呼回童男須要擒他白虎  
白虎乃童男隨身元氣化的坐騎你欲往西方擒他白虎必  
先往東家伏了青龍蓋白虎者金精也青龍者木性也以木  
交金則木中火發火轉逼金而回以金併木則金中水騰水  
道藏輯要

道藏輯要

三丰全集

無根樹詞註解

三

續畢集十一

又曰又上

轉滅火而住此四者相異而實相同異類而實相類既然同  
類故好用我玄功使其會在一處由是內迎外合外歸內伏  
外藥既通內藥內藥亦通外藥也此篇只言真鉛不言真汞  
蓋有鉛卽有汞不言汞而汞在其中矣故曰外藥通時內藥  
通鉛也氣也男也童也虎也皆外藥也精也女也老也龍也  
皆內藥也至於神則在內外精氣之間

又

劉言採取火候李言六門火候

無根樹花正嬌天應星兮地應潮層龍劍縛虎絛運轉天罡幹  
斗杓煅煉一爐眞日月掃盡三千六百條步雲霄任逍遙罪垢  
凡塵一筆消

劉註真靈藏於後天爲積習客氣掩蔽花最難發間或有時而發一點光輝從虛無中透出如珠如露嫩弱秀麗其象最嬌似開未開渾淪元氣在天應星之明而不在地應土之潮而未濕星明地濕皆陽氣初動之象陽氣初動卽真靈花嫩時也當其正嬌易於識神借靈生妄性亂情移急須猛烹速煉杜漸防微扶陽抑陰以護命寶屠龍劍所以防氣性縛虎繚所以制妄情氣性不發則真靈現妄情不起則真情生真性現真情生是運轉魁罡斡旋斗杓轉殺爲生變刑成德可以煅煉一爐真日月矣日者陽中有陰之象喻真性所含之靈知靈知爲雄中之雌真陰也月者陰中有陽之象喻真道藏輯要

三丰全集

無根樹詞註解

三

續畢集十二

八〇〇

情所含之真知真知爲黑中之白真陽也煅煉真陰真陽兩位大藥歸於一氣凝結成丹吞而服之延命卻期此乃最上一層之妙道非三千六百旁門著空執相事業也蓋以大道成就步雲霄任逍遙萬般罪垢凡塵皆一筆勾消彼三千六百旁門皆在臭皮囊上做作適以惹罪垢凡塵焉能消罪垢凡塵哉

李解嬌以秀嫩言一陽初萌之時也天比上地比下陽生之時肩上有點點星光昔人謂爲天應星腹中有浩浩潮氣昔人謂爲地應潮藥生朕兆原有如此良不誣也悟元以天之星輝地之潮濕比陽氣初生不大不潤亦是一解更有以入

藥鏡爲言者天應星指上鵲橋地應潮指下鵲橋均有妙理  
然吾竊聞之應星應潮以應月應時言卽星悟月卽潮悟時  
此正是大還丹要緊火候余摘參同數語以爲印證參同云  
金計十有五水數亦如之臨爐定銖兩五分水有餘二者以  
爲真金重如本初三遂不入火二與之俱此卽應星應潮  
之正義也金必十五兩重者金准月數取金精壯盛之意五  
千四十八日天真之氣始全十五兩金能生十五分水上半  
月十五日是也水數與金數相應卽潮數與星數相應若金  
水不足則真水不生此謂天不應星地不應潮何以定銖兩  
乎若要應星應潮就以上半月之十五日爲定自朔至望以  
道藏輯要

三丰全集

無根樹詞註解

三

續畢集十一

大角三十一

一日半爲一分兩箇一日半三日出庚矣這纔是二分真水  
天也應星地也應潮若至初五則是三分三分不入用若至  
初八則是五分五分更有餘均非應星應潮也必以二分之  
水配以二分之火乃是真應星真應潮二者坎水之真信金  
初生水剛到二分時候水源至清有氣無質卽白虎首經也  
虎正吐氣龍卽以二分真火迎之煉爲丹本至於生二分水  
之金又必要等至十五金精始旺水潮乃生所謂一七之期  
真鉛始降此是應星應潮也或者問火何以必須二分曰一  
時功夫分三符六候止用一符二候之火斯龍虎平勻相吞  
相啗到這時候必要執劍降龍拏繚伏虎運罡幹斗歸於中

宮日月交精烹之煉之則正道得矣我吾山老師還有一講更精密醒露並詳述於此乾天爲陽星卽天之火精陽中陰也坤地爲陰潮卽地之水氣陰中陽也精爲火父氣爲水母乾父與坤母交則離火與坎水生焉故曰天應星地應潮應之云者彼此相與感應之機也參同云方諸非星月焉能得水漿可知天光照地應之以星者地氣承天卽應之以潮也仙家以天之星喻人心中之火火卽人之性也性屬龍設有不降則星飛火散故當執屠龍之劍以降之劍比大慧也以地之潮喻人身中之水水卽人之情也情卽虎設有不伏則潮浸水流故當持縛虎之縲以伏之縲比大智也大巧若拙道藏輯要

三丰全集

無根樹詞註解

三

續畢集十一  
X日十二

大智若愚智慧冥冥卽生妙心轉天罡斡斗杓者非妙心不能爲力天罡北斗也天罡主生在乎斗杓斗杓指處卽有生氣人身妙心能運天罡之杓則能轉殺爲生矣斗杓迴旋金丹入內金丹入內妙心還我妙心者不生不滅之真身與天地合其德與日月合其明卽人身眞日月也欲求妙心必從後天中返先天先把外日月交光於外明火候知符刻乃能得之及其歸也又要以內日月交光於內晝夜長明調和養育則煅煉一爐眞日月矣是爲金丹大道之妙諦七返九還之重玄掃盡三千六百旁門可以步雲霄任逍遙罪垢凡塵一筆消矣若不明此大道斷無解脫日子罪垢凡塵日日加

增可不悟哉

又劉言逆用氣機李言善用盜機

無根樹花正高海浪滔天月弄潮銀河路透九霄槎影橫空泊  
斗梢摸著織女支機石踏遍牛郎駕鵲橋入仙曹膽氣豪盜得  
瑤池王母桃

悟元註本泊作幹盜作竊

劉註先天大道包羅天地運行日月超乎萬有花開甚高其  
高如月在天上光射海底海浪滔天水不能溺月之光而月  
反能弄水之潮亦猶人在苦海境遇之中境遇不能傷其真  
而反借境遇以煉真又如銀河路遠直透九霄人不易渡然

道藏輯要

三丰全集

無根樹詞註解

三

續畢集十一

X 8 8

有仙槎橫空斡旋斗梢卽能渡之昔張騫乘仙槎渡銀河而  
見牛女二星相會此可徵也以理而論世間亦有仙槎亦能  
渡銀河世間仙槎爲何物金丹大道是也金丹大道在虛空  
中作世業能以轉乾坤逆陰陽奪造化超凡入聖是亦仙槎  
也然仙槎之妙在乎斗梢之運用斗梢者北斗第七星瑤光  
是也又名天罡天罡所指處吉所坐處凶蓋以指處有生氣  
存焉扭回斗梢刹那之間陰陽相合生機萌芽絕不費力故  
曰摸著織女支機石踏遍牛郎駕鵲橋織女屬陰牛郎屬陽  
鵲橋爲牛女相會之處摸著機石踏遍鵲橋以陰招陽陽來  
會陰陰陽相會金丹有象此種道理盡在波浪裏做出虛空